

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

**MINISTARSTVO OBRAZOVANJA,
NAUKE, MLADIH, KULTURE I SPORTA**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu Zakona o izvršavanju Budžeta Srednjobosanskog kantona („Službene novine Srednjobosanskog kantona“, broj: 02/23) i Odluke o utvrđenim kriterijima raspodjele sredstava – tekući transferi pojedincima za naučne radove, broj: 01-11.7-1281/2023 od 23.02.2023. godine, Ministarstvo obrazovanja, nauke, mladih, kulture i sporta objavljuje

JAVNI POZIV

ZA SUFINANSIRANJE PROGRAMA - NAUČNI RADOVI 2023.

I. PREDMET POZIVA

Predmet poziva je dostavljanje prijava za sufinansiranje programa za oblast nauke utvrđenih Budžetom Srednjobosanskog kantona za 2023. godinu („Službene novine Srednjobosanskog kantona“, broj: 02/23) s pozicije „Tekući transferi pojedincima – za naučne radove“.

II. PRAVO PRIJAVE

Pravo prijave na ovaj poziv imaju pojedinci (naučnici/istraživači) za:

- 1) sufinansiranje troškova III ciklusa studija i odbrane doktorske disertacije,
- 2) sufinansiranje naučno-istraživačkog/umjetničko-istraživačkog rada u sklopu izrade doktorske disertacije,
- 3) sufinansiranje objavljivanja naučno-istraživačkih/umjetničko-istraživačkih radova u međunarodnim časopisima i učestvovanje na međunarodnim konferencijama,
- 4) sufinansiranje izdavanja naučne i stručne literature i univerzitetskih udžbenika;
- 5) sufinansiranje naučno-istraživačkog rada od interesa za kanton.

III. POTREBNA DOKUMENTACIJA

Podnosioci prijava obavezni su dostaviti sljedeću dokumentaciju:

- a) Popunjen prijavni obrazac (preuzeti sa web stranice Ministarstva);
- b) Identifikacijski dokument (lična karta);
- c) Svojeručno potpisana biografija;
- d) Potvrda banke iz koje je vidljiv broj transakcijskog/tekućeg računa i da je račun korisnika aktivan (ne starija od tri mjeseca).

e) **Pored prethodno navedene dokumentacije podnosioci prijava obavezni su dostaviti i sljedeću dokumentaciju, za:**

1) sufinansiranje troškova III ciklusa studija i odbrane doktorske disertacije:

- potvrdu visokoškolske ustanove da je kandidat upisao prvu, drugu ili treću godinu III ciklusa studija ili je kandidatu odobren postupak odbrane doktorske disertacije;
- predračun troškova u akademskoj 2022/2023. godini ili dokaz o utrošku sredstava u tekućoj godini;
- svojeručno potpisana izjava da se vlastitim sredstvima finansiraju troškovi.

2) sufinansiranje naučno-istraživačkog/umjetničko-istraživačkog rada u sklopu izrade doktorske disertacije:

- potvrdu visokoškolske ustanove o prihvatanju teme;
- detaljno opisan program s obrazloženom vremenskom dinamikom istraživanja i troškovnikom istih;
- predračun troškova u akademskoj 2022/2023. godini ili dokaz o utrošku sredstava u tekućoj godini;
- svojeručno potpisana izjava da se vlastitim sredstvima finansiraju troškovi.

3) sufinansiranje objavljivanja naučno-istraživačkih/umjetničko-istraživačkih radova u međunarodnim časopisima i učestvovanje na međunarodnim konferencijama:

➤ **za sufinansiranje objavljivanja naučno-istraživačkih/umjetničko-istraživačkih radova u međunarodnim časopisima:**

- kopija diplome o stečenom zvanju doktora nauka ili potvrda visokoškolske ustanove o statusu doktoranta;
- dokaz o prihvatanju rada ili dokaz o objavljenom radu;
- ukoliko je riječ o radu na kojem učestvuje više autora, samo jedan od autora može ostvariti sredstva iz ovog programa (podnosilac prijave dostaviti svojeručno potpisanu izjavu o dobivenoj saglasnosti ostalih koautora).

➤ **za učestvovanje na međunarodnim konferencijama tokom 2023. godine:**

- kopija diplome o stečenom zvanju doktora nauka ili potvrda visokoškolske ustanove o statusu doktoranta;
- brošura organizatora konferencije;
- dokaz o prihvatanju rada ili potvrda organizatora konferencije o uvrštavanju rada u program konferencije;
- dokazi o troškovima vezanim za učestvovanje na konferenciji (troškovi putovanja, smještaja, kotizacija).

4) sufinansiranje izdavanja naučne i stručne literature i univerzitetskih udžbenika:

- detaljno obrazložen projekat;
- recenziju doktora nauka iz odgovarajućeg naučnog područja;
- dokaz o troškovima štampanja (predračuni, računi iz kojih je vidljivo ime podnosioca prijave).

5) sufinansiranje naučno-istraživačkog rada od interesa za kanton:

- detaljno opisan program s obrazloženom vremenskom dinamikom istraživanja i troškovnikom istih;
- predračun troškova ili dokaz o utrošku sredstava u tekućoj godini;
- svojeručno potpisana izjava da se vlastitim sredstvima finansiraju troškovi.

Napomena:

Dostavljena dokumentacija treba biti original ili kopija, poredana redom prema popisu potrebne dokumentacije.

Prijedlog raspodjele sredstava izvršit će komisija na osnovu propisanih kriterija i isti dostaviti na uvid Ministru. Konačnu Odluku o raspodjeli sredstava donosi Vlada Srednjobosanskog kantona na prijedlog Ministarstva i ista će biti objavljena u Službenim novinama Srednjobosanskog kantona.

IV. PREUZIMANJE DOKUMENTACIJE

Svi podnosioci zahtjeva prijavnu dokumentaciju mogu preuzeti u elektronskom obliku na web stranici Ministarstva obrazovanja, nauke, mladih, kulture i sporta SBK-a (www.mozks-ksb.ba).

V. NAČIN PRIJAVE

Prijave se dostavljaju, u zatvorenoj koverti, na protokol Ministarstva obrazovanja, nauke, mladih, kulture i sporta Srednjobosanskog kantona ili putem pošte na adresu:

**Ministarstvo obrazovanja, nauke, mladih, kulture i sporta
Stanična 43.
72270 Travnik**

Na koverti obavezno naznačiti **prijava na:**

**„Javni poziv za sufinansiranje programa - naučni radovi 2023.“
„NE OTVARATI“**

Na poleđini koverta obavezno napisati naziv/ime i adresu podnosioca prijave.

Rok za dostavljanje prijava je 21 (dvadesetjedan) dan od dana objavljivanja ovog poziva na web stranici Ministarstva.

Programi koji su dostavljeni nakon isteka roka za prijavu neće biti razmatrani.


VI. POTPISIVANJE UGOVORA O NAMJENSKOM UTROŠKU DODIJELJENIH SREDSTAVA

Korisnici kojima budu odobrena sredstva će potpisati sa Ministarstvom Ugovor o namjenskom utrošku dodijeljenih sredstava koja će se doznačiti na žiro-račun korisnika.

VII. TROŠKOVI PROGRAMA

U postupku poziva Ministarstvo zadržava pravo da program prihvati u potpunosti, djelimično ili ga u potpunosti odbije, poništi javni poziv ili odbaci sve programe u bilo koje vrijeme.

Ministarstvo neće snositi nikakvu odgovornost prema učesnicima poziva, niti je obavezno objasniti razloge donošenja Odluke o raspodjeli sredstava. Dostavljena dokumentacija po javnom pozivu neće se vraćati.



Broj: 04-14-537 /2023

Travnik, 23. 05. 2023. godine